

П. А. Заломовин нернд

СУДЖА. Урднь Сормовск кӧдлмшч, 1902 джилн майн нег шинд Сормовд болсн нер-тӓ демонстрацин тугинь бӓрдж йовсн Петро Андреевич Заломов тӧрснӓс нааран 80 джилн ӧн кӱцсиг Суджанск района кӱч-кӧлсчир темдглд-жӓцхӓнӓ. А. М. Горький эврӓн-нь „Эк“ гидг дегтр бичдж, тенӱндӓн ончта гидг кӧдлмшч революционер Павел Власовиг ӱзӱлхлӓри ӱлгӱр кедж, П. А. Заломовиг авч бичсн болдг.

Сибирин туулгӱнд йовад пр-снӓнь даруд, 1906 джилд полицин гарин хӓлӓврт Суджа балгӱснд ирдж бӱӱрлӓд, П. А. Заломов энӱнд 35 джил шаху бӓӓв. Алдр Октябрьск социалистическ революциг Суджа деер тосад, энӱнд советин йос бӱрдӓлгӱнд эн ик шунлттагӱр орлцв. Суджанск народн комиссармудин Советин членд 1917 джилд сунгӱг-

дад, П. А. Заломов крестьянск депутатирин Советин Всерос-сийск Чрезвычайн съездин делегат болдж кӧдлмштнь орлцв.

Колхозмуд тосхгдсн джил-мӱдт „Красный Октябрь“ нер-тӓ колхоз бӱрдӓлгӱнд Заломов шунлтта кевӓр орлцв, эн колхозин правленӓ член болдж кесг джилд дарандан сунгӱг-гдв.

Революционер - подпольщик Заломовд нерӓдгддж, балгӱсна школмудт пионерск хург кегдв. Цуг эврӓннь цогц-джиргӱлӓн оли-ӓмтнд ӧгсн революционерин нернь, балгӱсна Советин кӱцӓгч комитетин тогтаврар, балгӱсна нег уульниц болн балгӱсна скверт ӧггдв. Балгӱсна централн площадь деер П. А. Заломовин бюст тӓвгдх шиндвр авгдв.